



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Epistola CCVIII. Ioannis Papae VIII. Ad Landvlfvm Presbytervm. Laudat eum, quod ad propinquorum suorum insidias euitandas Capua fuerit egressus, & in discordiis sedandis elaboret. significat ...

**urn:nbn:de:hbz:466:1-15967**

EPISTOLA CCVIII.  
IOANNIS PAPÆ VIII.

AD LANDVLFVM PRESBYTERVM.

Laudat eum, quod ad propinquorum suorum insidias evitandas Capua fuerit egressus, & in discordiis sedandis elaboret. significat Traiectum se iturum, ibique de eius electione deliberaturum.

*Landulfo venerabili presbytero, & electo.*

**Q**VIA discordantium parentum tuorum insidias declinando, & ex vrbe Capuana egrediendo, in antiqua sanctæ ecclesiæ Capuanæ sede, nomine videlicet sancti Stephani protomartyris refulgente, nunc habitare te asseris, atque cum vicinis episcopis assidue decertas, vt male diuisos adunare atque discordantes pacificare, Deo fauente, possis, gratum recepimus. Quia & ante susceptum officium ea quæ sunt boni pastoris peragis, in quo scilicet, vt perseueres hortamur, vsque ad nostrum specialem aduentum; quoniam, Deo propitio pro vestrum omnium salute, concordia & pace, Kalendis Octobribus volumus Traiectum venire, ibique cum Guaiferio glorioso principe, & cum aliis eximiis parentibus tuis loqui, & ordinare primum ea, quæ nobis & vobis sunt necessaria, vestræque paci & vtilitati proficua, & tunc prouectionem tuam, secundum sacros Canones, omnibus pacificatis, peragere.

EPISTOLA CCIX.  
IOANNIS PAPÆ VIII.

AD PVLCAREM PRÆFECTVM.

Arguit, quod nec foedus cum Paganis ictum ruperit, nec ditionem sancti Petri, sicut promiserat, defenderit. præcipit, vt pecuniam pro ea re datam ad se remittat.

*Dilecto viro Pulcari præfecto.*

**P**RO salute animæ tuæ, ac pro defensione totius Christianitatis, quæ tecum Paganis pactum habente, quotidie deprædatur, atque in diram ducitur captiuitatem,